

徐神翁語錄序

人生一世間其所受用有天有命有分有數絲毫不可易以不能窮理故不自知之必就有道者問焉所謂先得我心者孔子知伯牛之死知商瞿之有子是豈用世之占卜法哉蓋有得於目擊者徐翁在海陵爲人書字示以其人平生禍福言無不驗翌早時往來江淮多聞其言歲月深知者益少嚴之天慶觀道士苗希頤翁弟子也在翁左右數十年錄其書字藏之求子刪次存其實以告其徒今二十七年矣希頤死其書爲人取去子來守是邦獲其初藁於民間復次比之孔子曰吾不語怪力亂神夫言而無驗怪也不可知神也若此可以忘言矣若言而有

道藏輯要

徐神翁語錄序

七

易集九  
川川

驗以禍福示人使曉然知所避就豈不可知者蓋古之得道者窮理盡性而已理窮則天下之理一能盡已之性則能盡物之性故謂之先知謂之先見謂之先覺世人以爲奇而有道者不以爲高也然所以爲神翁豈止如是而已哉紹興戊寅三月桐

鄉朱 翌序